



Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

§. 1. Quid dies, quid nox sit. Prima diei divisio in naturalem, & artificialem.
Diei civilis initia varia apud varias gentes. Horae nomen aequivocum.

urn:nbn:de:hbz:466:1-10805

isti jactant, Spiritus sanctus, qui reputat Synagogam docuit nos omnem veritatem, hanc etiam sapientiam Ecclesiæ suæ revealasset. Scio quidem varia esse Cabalistarum genera, de quibus vir doctissimus Martinus del Rio ^a in magicis disquisitionibus differit; Sed scio etiam, horum omnium doctrinam nihil habere soliditatis, nam cum versentur circa principia universalia, & causas maximè remotas, nunquam ad veram scientiam pertingunt. Eas vero nugas, quas de horis orandi ingerere simplicioribus conantur, explodit Scriptura, quæ dicit ^b, *Quoniam oportet semper orare, &, orantes in omni tempore, & sine intermissione orate.* Ergo illius oratio omni hora acceptabilis erit, qui necessaria fibi ad salutem perseveranti animo postulabit. Ut enim scribit Antiochus ^c. In omni re captanda semper est opportunitas temporis, præterquam in oratione. Nunquam enim intempestiva potest esse oratio, sicut scriptum est: *Benedicā Dominū in omni tempore, semper laus ejus in ore meo.* Ipsius vero Cabalistis clausæ sunt januae orationis, ut unus ex illis R. Eliezer ^d in libro Berachoth, id est, benedictionum, fatetur: nam à die, inquit, quo templum fuit destructum, orationis portæ clausæ sunt, ut dicit in Lamentationibus Hieremias ^e, *Cum claniavero, & rogavero, exclusit orationem meam.*

^a Del Rio disquis. magi. lib. 1. cap. 4. qu. 3. b Luc. 18. 1. 1. Theff. 5. 16. Ephes. 6. 18. c Antioch. hom. 91. d R. Eliezer apud Hieron. à S. fide lib. 1. de perfidia Iudeorum cap. 12. e Thren. 3. 8.

tus circa diei, ac noctis divisionem. Initio autem mundi facta est diei, noctisque alternatio per presentiam, & absentiam lucis. Sol oriens diem facit, occidens noctem inducit. Hinc Pindarus ^a in olympiis diem vocat filium Solis, & Hesiodus in Theogonia ^b ex Erebo, & Nocte natum diem afferit, quod post noctem dies sequatur. Non est autem omittendum hoc loco, quod observat Athanasius ^c; A creatione mundi usque ad Christum præcessit dies, sequuta est nox: dicit enim Scriptura ^d, *Fiat lux, & facta est lux, vocavitque Deus lucem diem, & tenebras noctem.* A Christi vero adventu nox diem præcedit: nam à vespера incipientes solemniter celebramus dies frequentes. Ratio discriminis est, quia primo fuit posita lux, at nos à luce defecimus ad tenebras, à Dei scilicet cultu ad errores, & vitia. Ex eo vero tempore, quo Sol iustitiae Christus Deus noster ex tenebris errorum ad lucem divinæ cognitionis nos reduxit, à tenebris inchoamus, & in luce terminum constituius. Dies, ait Isidorus ^e, in principio operum Dei lumen habebat exordium ad significandum hominis lapsum. Nunc autem à tenebris ad lucem progressimur, ut non dies obsecratur in noctem, sed nox luceat in diem, quia à delictorum tenebris liberatus homo ad lucem fidei, scientiamque pervenit. Speusippus ^f in Platonicis distinctionibus; Dies, inquit, est solis iter ab ortu ad occasum. Aurora diei principium, primum à sole lumen. Meridies tempus, in quo umbræ corporum quam brevissimæ sunt. Nox umbra diei contraria, solis privatio.

2. Sed tam diei, quam noctis multiplex distinctio est. Vulgus Scriptorum diem dividit in naturalem, & artificialem. Naturalis dicitur esse horarum ^g, quibus semel circumvolvit celum. Hac diei appellatione etiam noctes intelliguntur, ut cum dicimus ægrotasse aliquem per dies viginti, vel cum hoste pœtas inducias dierum decem. Nomen diei accepit à parte meliore. Ideo Heracletus apud Senecam ^g. Unus dies par omni est. Nam si dies tempus est ^h horarum, necesse est omnes inter se dies pares esse, quia nox habet quod dies perdidit. Mensura viginti quatuor horarum, inquit Ambrosius ^h, unius diei tempus est. Artificialis est, qui

^a Pind. olym. od. 2. vers 59. ^b Hesiod. Theog. v. 124. ^c Athan. in qq. sac. Script. q. 54. ^d Gen. 1. 3. ^e Isidor. lib. de nat. rerum cap. 1. ^f Speusippus. ^g Seneca ep. 12. ^h Ambrof. l. 1. exam. ult.

CAPUT III.

De Varia Diei, ac Noctis divisione.

§. I.

Quid dies, quid nox sit. Prima diei divisione in naturalem, & artificialem. Diei civilis initia varia apud varias gentes. Hore uomen equivocum.

Quoniam divinis persolvendis officiis certe sunt horæ à Sanctis Patribus assignatae, vix intelligi poterunt, que de illis dicturi sumus, ni prius explicentur variis antiquorum ri-

est, qui cursu solis ab ortu ad occasum definitur; cui contraria est nox ab occasu solis ad ortum. Hęc dierum divisio, & observatio communis est apud omnes nationes, sed vocabula diversa sunt. Nam Censorinusⁱ, & alii veteres^k, quos quidam recentiores sequuntur, diem 24. horarum civilem, & artificiale vocant; diem vero ab ortu ad occasum naturalem. Ego verba aetatis meæ scribo: quod dictum volui, ne antiquitatem spernere, quæ modesta, & venerabilis est, aut recentiorum voces omitendo quam cum matre Evandri loqui videar, ut Phavorinus apud Gellium^l, & Avienus apud Macrobius^m facetè dixerunt. Repeto. Prima divisione diei est in naturalem 24. horarum, & artificiale ab oriente sole ad eundem occidentem. De hac dierum partitione Geminus Rhodiusⁿ antiquus Auctor, qui vivebat Romæ aetate Ciceronis, & elementis Astronomicis ~~ad invenientias~~^{et nunc} sic scribit: Dies dicitur dupliciter, uno modo tempus illud, quod est ab ortu solis usque ad occasum: altero modo dies dicitur tempus, quod est ab ortu solis usq; ad proximum ortum solis. Est autem dies juxta secundum modum conversio mundi, & ortus ejus arcus, quem Sol peragerat, dum in conversione mundi moveretur contra mundum. Secundum alterum modum mensē dicimus esse dierum 30. annum vero dierum 365. & unius quartæ. Non sunt autem per omnes regiones, & urbēs eadem magnitudines dierum; sed his, qui versus septentrionem habitant, maiores fiunt dies, minores vero his qui versus meridiem.

3. Romani veteres diem legitimū, & naturalē inchoabant à media nocte, & sequentis noctis media parte terminabant. Id etiā nunc servat ecclesia quoad jejunia, & ciborum abstinentiam. Ab eodem puncto media noctis diem auspicanter Theologi, qui circa montem Athos versantur, ut scribit Theodorus Gaza^o, quod credant ea hora Christum resurrexisse. De hoc civili Romanorum die plura Gellius^p vir elegans eloquii, ut eum vocat Augustinus^q, & multæ, ac facundæ scientia, & Gellii exscriptor Macrobius^r. Ejus plurimas rationes adducit Plutarchus^s. Cur, inquit, diei principium sumunt à media nocte? an quia Reip. institutio principio fuit militaris? In re autem

ⁱ Censor. de die nat. c. 10. ^k Tiraquel. de utroque retractu §. 1. gl. 11. David Origanus in Ephemeridum introd. par. 1. cap. 5. ^l Gell. lib. 1. cap. 10. m Macr. l. I. n Geminus cap. 5. o Theod. Gaza lib. de mensibus p Gell. lib. 3. cap. 2. q Aug. lib. 9. de civ. Dei cap. 4. r Macrobius lib. 1. sat. cap. 3. s Plutarch. in qq. Romanis.

bellica multa noctu capiuntur consilia^t. An, quemadmodum meridies finis est publicas, & serias res agendi, sic noctem intempestam actionum omnium initium statuerunt^u. An quia ortu, & occasu solis principiū, & finis diei diffiniri non possunt, multa ad huc luce manente post occasum, & multa item incipiente ante ortum^v? Tametsi enim Mathematici dici, ac noctis disserimen in appulso centri solis ad Horizontem constituant, plerique tamen sensus arbitrio diem protrahunt à primis ad ultima crepuscula. Restat igitur, ut pro principio diei illum temporis articulum sumamus, quo Sol vel in medio cali est, vel in opposito ejus puncto. Hoc autem posterius melius congruit. Sol enim à meridie versus occasum à nobis fertur: à mediæ noctis puncto versus ortum ad nos. Hæc ille. Athenienses, quos nunc Itali sequuntur, itemque, ut Origanus^w asserit, Silesii, Bohemi, Austriae, & Marcomanni, ab occasu solis ad solem iterum occidentem, omne id medium tempus, unum diem esse dixerunt. Babylonii, & Persæ olim, nunc & Noribergenses, inter duos solis exortus diem esse existimarent. Umbri, & papyri, Arabes: nunc Galli, Hispani & magna pars Germaniae à meridie in meridiem unus diei spatium constituant. Hoc initium diei Astronomi sibi sumpserunt, quod à meridianō circulo proficiscatur, qui eum fixus, & immutabilis sit, certum diei principium designat. Sed variant in accipiendo puncto meridiei. Alphonsi^x Regis tabulæ à meridie diei antecedentis exordiuntur, ut primam diem Januarii à meridie postremæ diei Decembris. A sequente inchoat diem Tycho Brahe^y, ut primum Januarii diem à meridie, quæ ipsas Calendas incurrit. Copernicus^z Romanorum consuetudine à media nocte ad medianam noctem diei cursum in suis astroligicis observationibus usurpat. Ecclesia eundem diem esse dicit^z, quo ad indulgentias, & festivitates, à primis Vesperis usque ad occasum solis diei sequentis: quo ad judicia, à mane usque ad tenebras. Altera fictione juris determinatur dies quo ad ordinum collationem. Iudeos à Vesperi in Vesperam florente eorum Rep. diem computasse ostendit Baronius^b: quos tamen Chrysostomus^c reprehendit tamquam

^t Origan. in eph. introd. pag. 1. cap. 5. u Alphons. Rex. x Ticho Brahe. y Nic. Copernic. z Cap. 2. deferens cap. consuluit, de off. & pot. jud. de leg. a Cap. literat. de temp. ordin. b Baron. anno. 34. num. 33. c Chrys. hom. in Genes.

quam scripturæ prævaricatores, quæ diem definit ab ortu solis ad ortum, ut ipse colligit ex capite primo Geneceos. Discrepabant ab aliis gentibus in dierum computatione Galli veteres & Germani. Nam de istis haec scribit Tacitus^d: Nec dierum numerum, ut nos, sed noctium computant: sic constituant, sic condicunt, nox ducere diem videtur. De illis Cæsar^e. Galli omnes ab Dite patre se prognatos prædicant, ob eam causam spatiæ omnis temporis non numero dierum, sed noctium finiunt: & dies natales, & mensium, & annorum initia sic observant, ut noctem dies subsequatur. Naturalis autem diei constitutio non nisi quadruplici initio supputari potest. Nam diei principium ab aliquo puncto secundum natu-ram maximè noto desumi debet: sunt autem hujusmodi puncta quatuor totidem anni punctis correspondentia. Orsus solis ad æquinoctium vernalē refertur, occasus ad autumnale: Meridies solsticium aestivum respicit, media nox hyemale.

4. Has quatuor anni partes horas vocant
multi Scriptores. Isidorus Pelusiota; Cir-
cularis, ait, est figura temporis, quippe cum
dies circumvolvatur in hebdomadam, heb-
domada autem in mensem, mensis vero
in annum, rursusque in eadem signa, quae pera-
gravit, restitutur. Hanc ob causam alibi quidem
coronam anni, alibi vero rotam generatio-
nis Scriptura appellavit; circuli namque,
& coronæ, & rotæ eadem est figura, quod
quatuor horæ, videlicet verum tempus,
& aestivum, & autumnale, & hybernum
invicem quodammodo manus connectant,
& annum circumvolvant, atque in op-
timam quendam choream ducant. Sanctus
Eustathius Archiepiscopus Antiochenus, &
Martyr, explicans illud Geneseos, ut
sint in signa, & tempora; Tempora, inquit,
horarum, five temporis ipsius mutationes,
ac vices, hyemis scilicet, veris, aesti-
atis, autumni intelligendas esse censemus.
Flavius item Philostratus, in Iconibus horas
accipit pro anni tempestatibus. Ita paßim Poe-
tae Graeci. Pindarus: in olympiis horas flo-
ribus abundantes dixit pro vere. Roseam
veris horam lego in Anthologia. Oppia-

d. *Corn. Tacitus de morib. Germanorum.* e. *Cesar debello Gallico lib. 6.* f. *Isid. Pelus. lib. 4. epist. 1.* g. *Eustath. comment. in hexam. h. Flav. Philostr. in Icon. initio l. 1. & in fin. 2. i. Pind. olym. qd. 13. v. 12. k. *Anthol. lib. 1. cap. 9.**

nus veris horam in Halieuticis , sicuti-
losam Syrii horam ibidem hyemis horam in
Cynegeticis " posuit. Aestivam horam dixe-
runt Nonnus " in Dionysiacis , Hesiodus
in operibus pro æstate. Iniquam hyemis ho-
ram scripsit Calaber in Paralipomenis , item
que Musaeus & in Erotopagnio , & Nonnus
in paraphraesi Evangelii secundum Joananem.
Est igitur horæ nomen æquivocum. Apud
Suidam significat venustatem , occasonem ,
curam , felicitudinem , quatuor anni tempe-
states , tempus opportunum , & duodecimā
dierū partem. Apud veterēs accipitur hora pro
cujuslibet temporis parte. Virgilius :

Nunquam te crastina falle
Horæ neque insidiis noctis capiere serenæ.
Propertius. " Cum fuerit multis exacta tricentibus
hora.

Horatius. Te flagrantis aurox hora canicula.

Nescit tangere.

Historical Figures

Valerius Flaccus, in *Aeneis*, v. 651.

Valerius Flaccus, in Argonauticis introducit Jasonem sic Medeas jurantem; *Per has nosferi juro discriminis horas.* Sic etiam apud D. Hieronymum, captivum se interficere cogitatem adjuravit mulier. Ego te per Jesum Christum, per hujus horae necessitatem rogo, ne effundas sanguinem tuum in sanguinem meum. Marcus Antonius Philosophus, & Imperator, natura rerum, inquit, quicquid tibi convenit, id omne mihi convenit; omne id fructum meum puto, quod tuæ ferunt horæ. Horam quoque pro die ponit Virgilius in hoc versu:

Hic alienus oves custos bis mulget in hora.

Legendus item hac de re Julius Pollux^e in Onomastico, Agratius libello de sermone Latino, & ex recentioribus Petrus Gregorius Tholosanus^d in Præludiis optimi J. C. Ipsos annos præfca Greorum lingua horos diuos affirerunt. Plutarchus^e in symposiatis. Alii ad Ægyptios hanc referunt nominationem, eo quod Solem

Rrrr Horum

1 Opp. Halieut. lib. 1. v. 459. ibid. lib. 3. v. 47.
m Cyng. lib. 3. v. 308. n Nom. Dionysiac. l. 12. o His-
od. v. 282. p. Q. Colab. Paralip. lib. 3. v. 51. q Museu-
m. v. 293. r Nom. in Io. 10. v. 81. s Iud. v. Hora. t Virg. 1.
Georgic. u Propert. lib. 3. eleg. 10. x Horatlib. 3. od.
13. y Val. Flacc. lib. 7. Argonautis z Hieron. in vita
Maschi monachi. a M. Anton. lib. 4. de seipso. b Virg-
el. c Iul. Polluxlib. 1. d Theologian. lib. 4. 4. c. 1.
e Plutarchlib. 5. qu. 4.

Horum vocent f. Est & Dea Hora apud Romanos, quam dicunt fuisse Hersiliam Romani uxorem, quae post mariti apotheosim in cælum translata Hora vocata fit, ut Ovidius fabulatur g, de qua Ennius,

Teque Quirine pater veneror, Horamque Quirini.

f Macrob. lib. 1. c. 21. g Ovid. metamor. lib. 14. in fine.

§. I I.

Hora unde dicta. Figmenta Poetarum de Horis. De usu Horologiorum apud veteres. Hora olim nunciata à servis. Verus dies Christus est.

I. Unt qui horas à Sole dictas putent. Egyptii enim, ut dixi, Solem Horum vocabant. Alii à luce, quæ Hebraicè הָרָה Hor vocatur, horas quasi lucis partes denominant. Quidam malunt אַנְתָּה בְּאֶתְּךָ quod terminum significat, deduci: five ab אֶתְּךָ quod est terminare, dividere, disfinire. Porro de Horis multa suo more fabulantur Poetae. Fingit Ovidius Horas puellas esse, quæ Soli minifrent, easque Homerius i cæli janitrices facit, quia tempora moderantur è cæli, solisque motu pendentia. Chrysippus apud Senecam k ait Horas Gratiarum forores esse, sed natu majores. Nascenti Auroræ inservire Horas canit Smyrnaeus l in Paralipomenis. Eadem futurorum nuncias esse, Bacchum coronasse, & cæli phalanges adversus Typhæum armasse tradit Nounus in Dionysiacis m. Item Horas dedisse ubera Serenæ uxori Stiliconis fabulatur Claudianus in ejus Panegyrico. Apud Apulejum n in nuptiis Psyches Horæ ministrabant. Kursum Homerus o in hymnis Horas vocat sapientes, Soli afflentes, & quæ natam è mari Venerem suscepint, & ornarint. Orpheus elegantiissimum de Horis hymnum conscripsit, castas easdem appellans, floribus abundantes, omnis coloris, multi odoris, semper videntes, circulares, suaves, faces habentes, vestibus rosidis indutas, cælis, ter-

h Ovid. lib. 2. met. i Hom. Iliad. 8. v. 393. Id. II. 5. v. 750. k Senec. de benef. lib. 1. cap. 3. l Coint. Smyrn. lib. 1. Paralip. v. 48. m Non. Dionys. lib. 1 v. 224. o initio lib. 9. n Apul. lib. 6. ubi quedam Philippus Bezoardus. o Hom. hymn. in Apoll. v. 194. p hym. 2. in Ierem.

risque gratificantes; & inculpatas. Panyasis Poeta apud Athenæum p primam in mensa potionem Gratiis, Horis, & Baccho tribuebat: atque ibidem commemorat Atheneus in Horarum facello aram Dionysio erectam, quod horæ fructus vitis nutriant, & ad matutinatem perducant. Hesiodus q in Theogonia dicit Horas Themidis filias esse, & maturitatis auctices. Ut enim notat Suidas, illud temporis punctum significat hora, quo res matura, & perfecta est. Ita passim in Evangelio r, Nondum venit hora mea: sciens fesus, quia venit hora eju. Theocritus s horas tardissimas nuncupat, caras tamen, & exoptatas, semper aliquid novi ferentes hominibus. Philostratus t in Iconibus horarum imaginem graphicè pingit hoc modo. Horæ corporea specie in terram profectæ manus contingentes annum volvant, & tellus sapiens existens bellè cum ipsis fert annua omnia: sublatum autem brachium, comæque demissæ libertas, seruenque præ cursu gena, & una salientes oculi fabulari fortasse aliquid super pictore permitunt. Horas autem intelligit quatuor anni tempora, de quibus in Cosmurgia sic Georgius Pisides u concinit:

*Hæc vicibus alternis cursu amuo,
Instar puellarum choros agitantum,
Digi tosque conseruentum inter se suos,
Vite decoræ ut choream agant pulcherrimam.*

Apud Pausaniam in Atticis Horæ in Jovis capite insident, nam ejus nutu temporum vices decurrent. Olen Poeta apud eundem in Corinthiaca ab horis educatam Junonem scriptum reliquit x. Horas quatuor, & Vesperis imaginem in pompa Ptolomæi Philadelphi describit Athenæus libro quinto dēmōnoō pīsō. Ipsius horis diuinis honores habitos ab Atheniensibus narrat iterum Pausanias y, unamque vocat Carpon, alteram Thalloten: tertiae nomen non dixit. Phornutus z libro de natura Deorum: Ab horis, inquit, omnia bona, quæ nobis adiunt, custodiuntur, & servantur. Una Eunomie dicitur ob æquam rerum distributionem: altera Dice, id est justitia, quod jure contendentium lites dirimat: Tertia Irene, id est Pax, quasi ratione, &

p Atheneus initio lib. 2. dipnosoph. q Hesiod. Theogonia v. 900. r Ioan 2. 4. Ibid 13. 1. f Theocrit. Idyl. 15. v. 104. t Philostr. in Icon. in fine lib. 2. u Georg. Pisid. Cosmurg. v. 286. x Est de Horis Regula quinta Tychonii Afric. y Pausan. in Baetoticis. z Phorn. de natura Deor. cap. 29.